



Шормо эл, порумлык да рин бер!

15-ше (3351) №,
2018 ий 14 апрель,
шуматкече.

ЯМДЕ ЛИЙ

1933 ий 1 февраль годсек лектеш.

0+

ПОЛШАШ ЯМДЕ УЛЫНА



Фотом школын архивше гыч налме.

2018 ий -
Добровольцын
(волонтёрын)
идалыкше

1 апрель гыч 2018
ийын кокымшо пелыжлан
подписке тургым тўналын.
Марий Элыште, Пошкырт да
Татарстан кундемлаште
ильше-влак газетлан почто
связь отделенийлаште
возалтын
кертт.

Индекс - П4696.

Моло вер
ильше лудшо-
влаклан элект-
рон подпискым
темлена.

Газетын
акше -
298 тенгеат
80 ыр.



Шкет илыше Такьян
ковай деке шошо каныш годым
мийышна. Леваш да монча воктене
лумым куышна. Ковай мемнан толмылан
моткоч йывыртен. Паша деч вара чайым
йўктыш. Эргыж-влак нерген каласкалыш.
Коктын врачлан пашам ыштат, а иктыже
- туныктышо. Нуно авашт деке чўккы-
дынак толын огыт керт. Ме ковайлан
вес ганат полшаш ямде улына.

Ольга МИХЕЕВА, 3-шо класс.
Татарстан, Агрыз, Пелемеш школ-йочасад.

Эн ойыртемалтше серыш

Поро кумылан чїчїєм

Шошо каникулем пеш сайын эртыш. Йошкар-
Олашке чїчїєм деке унала миенал. «Елка» ужалыме
рїддерысе кинотеатрыште «Тихоокеанский рубеж»,
«Мзлом времени» кино-влакым онченал. Экранже
кугу-у-у, мый тыгайым нигунам ужын омыл. Плуштак
тїрлө модыш дене модынал. Ий полатыште коньки
дене мунчалтенам. Чїчїєм «Мемпионат мира»
манын возыман футболкым пөлеклен. Пөлеклан чот
йывыртенам. Чїчїємлан каникулым пайдалын эрта-
раш йоным ыштымыжлан, поро кумылан улмыжлан
кугу таум ойлем.

Максим ИВАЧОВ, 7-ше класс.

У Торъял, Кузнеч.

Увер

Эрла, 15
апрельыш-
те, «Кугече»
Mari-folk
пайрем

Морко район Унчо селаш-
те эрта. Пайремыште Унчо
вел калык «У тувырым
чиктымаш», «Кугече
лўнгалтыш», «Ташлама
корка» йўла-влакым ончык-
та. Пайрем 11 шагатлан
тўналеш.





Сенгымаш!

29-31 мартыште Озангыште кугыжаныш йылмыла дене Всероссийский олимпиадын II туржо тунемше-влак коклаште эртен. Марий Элын чапшым марий йылме да литературатур дене **Евгений Бирюков** (Советский, Ушнур), **Олеся Васеева** (Шернур, Марисола), **Антонина Иванова** (Волжский, Шарача), **Анастасия Дмитриева** ден **Дарья Оразаева** (Морко, Унчо) араленыт, сенгышыш лектыныт. Удыр-влакым снимкыште уждыда.

Р.ПЕТРОВАН фотожо.

Фигурный мунчалтымаш дене Марий Эл Республикын открытй первенствыже лийын. Тагасымашке тўрлў ола гыч 4-16 ияш 155 спортсмен ушнен. Марий Эл гыч ўдыр-рвезе-влак кўкшў лектышым ончыктеныт.

Увер

Марий Эл Республикыште Сенгымашын 73-шо идалыкшым пайремлыме шотышто ямдылалтме паша тўналын.

Проект

Марий Элысе Общероссийский калык фронтын регионсо пўлкажын активистше-влак республикысе тунемме тўнежлам «**Имя героя – школе**» проектыш ушнаш ўжыт. Проектын тўн шонымашыже – Российысе школ-влаклан лўмлў, уста ен-влакын лўмыштым пуаш. Герой-влак школын выпускникше, ялын, районын але регионын шочшыжо лийшаш улыт. Нунын лўмеш школ-лаште стенд ушнаш шотышто паша ышталтшаш. Нине тунемме тўнежлам Общероссийский калык фронтын сайтышын электрон базышкыже пуртат.

Проектыш нышо-влак, 12region@onf.ru сайтыш пурен, ойканашыштым темлен але 45-51-70 телефон дене йынгыргтен кертыт.

О.КУЗЬМИНА.

Историйым шергалына

1242 ий 18 апрельыште Чудское ерыште Ледовый кредалмаш лийын. Князь Александр Невскийын моштен вуйлатымыжлан кўра руш войска Ливон орденын немыч рыцарьже-влакым сенен. 18 апрель Российыште Воинский чап кече семын палемдалтеш.



Йошкар-Олаште «Моей России чудесные узоры» декоративно-прикладной йоча усталык конкур иктешлалтын. Тудым Йоча да самырык-влакын усталык полатышт эртарен. Конкурсышто Марий Эл, Татарстан, Чуваш, Карелий республикла да Виче кундем гыч 7-16 ияш 438 тунемше тагасен. Йоча-влакын пашаштым 24 тўрлў номинацийыште акленыт.

Ф.ЛЕБЕДЕВАН фотожо.

*Ик миллион секунд - 11 кече.
Ик миллиард секунд - 22 ий.*

Тўшто: латкок курныж, витле кок чаңа, кулшїдў кудло вич пўрткайык ик мўным мўчат.

15 апрельыште 11 шагалан Чарла Кремльыште Кугече ярминга эрта. Уна-влакым Кугечын историйже да йўлаж дене палдарат. Пагален вучена.

26 апрельыште Йошкар-Олаште «XXI курым тўналгыште ешын пояныкше да тукымвож серлагышыже» республикысе краеведений конференций лиеш.

2019 ийысе «Финн-угор тўнян культур рўдолаже» лўмым Унчо села сенен налын. Тидын нерген 8 апрельыште Эстонийысе Обиница олаште увертареныт.

Куку-влак тїшкан мурат – шокшо игечылан.

Кинде – кече падыраш.

Сылнымутын шерге улмыжым да юзо вийжым «Живая классика» всероссийский конкурсын республикысе этапшыкыже ушнышо ўдыр-рвезе-влак утыр шижыч да колыштшо-влак деке намиен шуктышт. Таҥасымаш 10 апрельште Йошкар-Олаште Йоча да самырык-влакын усталык полатыштышт эртыш.

ЮЗО ВИЯН СЫЛНЫМУТ


Тунемше-влакым Марий Эл Республикысе образований да науко министр Н.В.Адамова саламлыш:

– Всероссийский конкурсым эртарыме шым ий жапыште таҥасыше-влакын чотышт эре шукемеш. Тугеже йоча-влак руш, йот да марий сылнымутлан шўман улыт да лудыт. Но произведенийым лудын моштыман, кажне шомакын вийжым умылыман. Те тидым пеш сайын паледа. Шочмо кундемыштыда сенгыше лийын улыда.

Руш да йот писатель-влакын сылнымутыштым лудмашке 54 тунемше ушныш. Марий Элын чапшым Российысе таҥасымаште **Андрей Карташов** (Козьмодемьянск, 4-ше №-ан лицей), **Иван Еропов** (Бауман лицей), **Юлия Тимофеева** (Морко, Кокласола) аралаш тўналыт. Конкурс «Артек» йоча рўдерыште майыште лиеш.

Марла лудшо 16 ўдыр-рвезе кокла гыч **Юлия Иванова** (Кужэнгер, Шорсола), **Дима Веденькин** (1-ше №-ан Шернур школ, шола снимкыште), **Руслан Самигуллин** (Морко, Нурўмбал, пурла снимкыште) сенгышыш лектыч.

Л.ГРИГОРЬЕВА.



Авторын фотожо-влак.



«Айдеме пиалан йолташыж дене», – тыге ойлен писатель А. Александров-Арсак. Евгений Бирюков ден Данил Фёдороват (**снимкыште**) шкеныштым пиаланлан шотлат. Нуно йочашт годсек ўшанле да лишыл йолташ улыт. Советский район Ўшнўр школышто 10-шо классыште иквереш тунемыт. Рвезе-влак марий йылме ден литератур урокым эн чот йўратат. Евгений йылме наукам радамлен лончыла гын, Данил сылнымутлан шўман. Яра жапыште капкылыштым шуарат: футболла модыт, ече дене коштыт.

Л.НИКОЛАЕВА.

Мыйын йолташем – Зарина.

Тудо тыршен тунемеш, отличнице. Мыланем эре полша, ом умыло гын, умылгара. Каныш кечын эре пырля модына.

Вероника ПЕТРОВА.
Морко, Коркатово.



калыкше верч тыршен, угарен шоген. Ойлымаш-влакымат ўрдыжеш ом кодо. Иван Одарын «Таргылтыш» ойлымашыже пешак келшыш. Йомак семын возымо гынат, шонаш таратыше, йоча-влакым чын корно дене каяш кумылангыше. Лудса книга-влакым, тунам веле уш-акылна виянгеш, йылмына лывырга!

Морко, Купсола.

Надя ПЕТУХОВА.



Увер 10 апрельште Козьмодемьянск олаште Игнатъев лудмаш XVIII гана эртен. Тений тудо педагог-священник Г.Я.Яковлевын шочмыжлан 175 ий теммылан пўлеклалтын. 10 секций пашамыштен: лингвистике литератур, тўвыра да сымыктыш, образований, историй шанче да краеведений да молат. Шанчызе, библиотеке ден музей пашаен-влак да студент-шамыч докладдышт дене палдареныт.

Лудаш йўратем

Мый книгам шуко лудам. Утларакшым легендым, мифым йўратем. Шукерте огыл «Мифы Древней Греции» книгам лудын лектым. Пален налым: Зевс

лўман тўн Юмышт лийын, тудо



*Йоча, кушкын шумекше,
шке ача-аважым
ончышаш мо?*

Йодышлан Йошкар-Олан прокуроржын алмаштышыже

В.С.ПТИЦЫН вашешта:

– РФ СК-н 87-ше статьяже почеш, ийготыш шушо да пашам ыштыше йоча-влак пашам ыштен кертдыме да польшымы йодшо ача-аваштым ончышаш улыт. Оксан кугытшо да тўлымō жап ача-ава ден йоча-шамыч коклаште вашмутланен келшыме почеш палемдалтеш. Алиментым тўлымō шотышто торешланымаш лиеш гын, йодыш суд гоч

рашемдалтеш. Алиментын кугытшым палемдыме годым суд йочан, тыгак ача-аван материальный да ешысе положенийыштым шотыш налеш. Ешыште икмыняр йоча гын, ача-аван кумылышт почеш кажне икшыве але иктыже, але икмынярже деч алиментым налын кертит.



Кугыен-влак ача-ава улмо правашт деч посна кодыныт гын, йоча-шамыч алиментым огыт тўлō. Йоча-шамыч ача-ава пелен кушкын огытыл гын, тыгак алиментым тўлымō деч утаралтыт. Но тидым суд гоч пентгыдемдыман.

Мо нерген мутланаш?

Ик кечын Вачий школышко тарванен. Ончылныжо Лера ошкылын. Лера – мотор ўдыр. Шинчапунжым, тўрвыжым изишак чиялташ тўналын. Вачий шукертсек Лера дене мутланаш шонен. Теве тыгай жап толын шуын.

– Поро эр! Портфельетым нумалаш лиеш?

– Пожалуйста, – Лера лыжган вашештен да портфельжым шуялтен. Тыгай ныжылге йўкым колын, Вачийын шўмжō эше чотрак кыраш тўналын.

– Ну кузе? – рвезе йодын.

– Мо кузе?

– Задачым ыштышыч?

– Уке-е. Ачамат полшаш йодым,

тудат решатлен ыш керт.

– А мыйын вашмут лектын! –

Вачий моктанен пелештен.

– Могай ушан улат! – манын Лера да тетлак мутымат пелештен огыл.

Лудшо-влак, Вачийын койыш-шоктышыштыжо могай ситыдымашым ужда?

В.СМИРНОВ ямдылен.



Ялын сайтше

Марий Турек район Сардаял школышто тунемше-влак «Кружок» образовательный проект полшымо дене Сардаял ялын сайтшым ыштеныт. Тушто нуно 1884 ийыште чонымо школышт, шочмо кундемысе сылне пўртўсышт, марий тўвыра да моло нерген марла, рушла да англичанла палдарат. Сайтыште вич ужаш уло.

Йоча-влакын шонымышт почеш, ялын эн тўн нелылыкше – Интернет укелык. Моло семынак нунат кином ончынешт, блогым вўдынешт, англичан йылмым проектым протунемнешт да тўрлō грамммированийым конкурсышко туныктышо ныл пешнынешт. Тений дагог 2017 ийыште кенезым шонен луктын. Нуно Сардаял калык йоча-влакым туныкташ фестивальым манын, всероссийский эртараш шона. онлайн-платформым онай программашташ шонат. «Кружокын» туныктышыжомылан-влакым влак, Сардаялыш ушнаш ўжит. толын, сайтым ышташ полшеныт.

Пайрем онай лийшаш.

Х.АЛЕКСАНДРОВА.

*Лидер-влак проектым ыштат.
А виян лидер-влак кычалаш
амалым шочыктат.
Том Питерс.*

У пашалан тунемына

21-22 февральыште Марий кугыжаныш университет пелен студент-влакын школышт эртен. 100 утла самырык ен проектым возаш тунемын. Тўн правил-влак:

1. Проектын тўн шонымашыже: тудо молан кўлеш, могай йодышым рашемда?

2. Планым чоҥаш: проектым илышыш шындарашлан мом ыштыман?

3. Кўлеш материалым погаш: книга, журнал, Интернет гыч увер-влак.

4. Ончылмутым возаш. Молан тиде йодышым ойырен налым умылтараш.

5. Проектын кўлешлыкшым рашемдаш.

6. Проектым иктешлымаш: шонымаш шукталтын мо?

7. Кучылтмо источникым ончыкташ: книган лўмжō, авторжо, издательстве, ий.

8. Возымо проектым ик арнялан ўрдыжкō корандаш.

Жап эртымеке, эше ик гана лудын лекташ, йонылышым тўрлаш, у шонымашым ешараш.

А.ГАЛИЕВА ямдылен.



Пүртүс муро



Шошо толын!

Чылан тиде пагытым вучат. Ынде шүлалтен ойлаш лиеш: «Шошо толын!» Чевер кече чүчкыдырак ырыкта, мемнам йылгыжше кечыйолжо дене чыгытылеш, тўжваке лекташ ўжеш. Вўдшор тылзыште ялыштат лум чотак шулаш тўналын. Пушенге-влакат теле деч вара помыжалтыныт, лышташнерым лукташ ямдылалтыныт. Мардежат левырак лийын, ынде чурийым огеш пўч, а ныжылгын-ныжылгын ниялтен гына кая. А шошо пушыжо могай! Шўлен от тем. Чонышто – куан, вет мемнан деке кужун вучымо шошо толын!

Анна ЯКИМОВА.

Синк-вейн

Шырчык
Весела, мотор.
Шўшка, куандара, шинчалеш.
Шошым чылалан конда.
Кайык.
Петя НАГАЕВ.
Советский, Ўрша.

У Торъял, Тошто Торъял.

*Куку мура, шїшпык
шїшка кече тур-
таш тїналмеш.*
(А.Е.Китиковын
«Марийские народные
приметы» книгаж гыч
налме).



К	Т	У	М	Н
Ш	У	Э	О	Ў
О	П	К	Е	Л
О	П	И	С	П
Л	М	А	Т	Ў
Л	К	П	Е	О
О	О	У	П	Л
М	Ж	З	Ы	О
Б	П	Л	Е	Ш
О	Ў	Н	Ч	Ў

Мотор пызле

Шочмо верыштем моткоч сылне чодыра кушкеш. Тудын сылнылыкшым ончен шерет ок тем. Чодыраш пурымеке, моткоч ласкан чучеш, лекметат ок шу. Тушто тўрлў пушенге кушкеш. Мыланем пызле келша. Пызле – мотор пушенге. Тудын ош изи пеледышыже-влак зонтикла койыт, тутлын ўпшат. Пызлыгичке, кўын шумекше, тыртыш, йошкар тўсан, шопалге таман лиеш. Пызлыгичке тазалыклан пайдале. Тудым кайык-влакат йўратен тамлат.




Алла КИРИЛЛОВА, 8-ше класс.
Волжский, Кугу Корамас.

Пушенге-влакым муза.
Дарья АНДРЕЕВА.
Волжский, Пўгьял.

Физкультминутко

Мардеж талышнен пуа.
Лўнгалтеш чодыра, уа.
Мардеж эркин, эркин, эркин,
Мый улам
чодыраште шкетын.
Чарне
лўшкымым, колат,
Молан талышнен толат?
Лўнгалтеш чодыра, уа.
Мардеж шыматен пуа.



Н.Д.ИЛЬИНА.
Волжский, Карай.

19 апрель – Кўдыронгырын кечыже

Толын шуо шошо кече.
Чодыраште вашке кўдыронгыр-влак пелелалтыт.
Кайык-влак шокошо вел гыч толыт. Янлык-влак теле деч вара помыжалтыт.

Милана
ЕВДОКИМОВА.
1-ше номеран Морко школ.



Йўра омышто гына...

Кенежым авамын шочмо кечыжлан ешна дене Табашино ерыш каналташ кайышна. Тушто чон канен йўштылна, палаткыште каналтышна. Кенета мален колтенам, да омо конча.

Ер воктене тынар торым кышкен пытарыме, тошкалаш вер уке. Мый каныше-влаклан умылтараш тўчем, а нуно мыйын ўмбаг огытат ончал. Чодыра вечын йўк шокта. Тушто пушенгым руат. Нуным чарем, чодыран пайдалыкше нерген ойлаш тыршем, а нуно воштылыт гына.


– Мыланна сита, а молыштлан керек! Тыште пытарена да вес вере каена, тўня кумда, чылалан сита, – маныт.

А мыйже палем, чодыра вигак кушкын ок шогал, тўжем ийла кўлыт. Кенета рашкалтыме йўк шоктыш:

– Кунам те, кугыен-влак, изи рвезым колышташ тўналыда? А?! Тудо чыным ойла! Вес тукумлан мом кодеда? Коранза тышеч!

Лўдын помыжалтым. Авам мўнгў каяш кўлеш манын чыштыра улмаш. Йыр ончыштам. Нимогай торым ом уж. Чонем лыпланыш. Тугеже шучко сўрет омышто веле кончен.

Никита УТКИН.
Оршанке, Кугунур.



«Ямде лий» газетлан - 85 ий

Шарнем, изирак класслаште тунемме годым кенезж каныш жапыште колхозлан полшена ыле. Нылымше класс деч вара Күчыкэнгер ял (Морко район) воктене парентге пасушто шүкшудым сомылымына годым «Ямде лий» газетын самырык редакторжо Алеко Юзыкайн тольо. Журналистлан Казаньысе университетыште тунеммыж нерген йоча-влак ончылно каласкалымыжым ушыш пыштен колыштым да шкежат тунамак журналист да сылнымут корно дене каяш шонен пыштышым. Утларак сайлан да икымшылан шотлымо «Омо лугыч лие» почеламутемат тудын толын кайымыж деч вара шочо да газетыште лекте. «Ямде лий» газетыште лекше почеламутем-влакымак «Сылнымут шыже» икымше семинарыште посна книга дене савыкташ темлышт. Тыште газетын литератур пашаенже Валентин Борисович Исенековын изи огыл надыржым палемдыде ом керт. Лачак тудо творчестве корныш ошкылым ыштымаште икымше туныктышем лийын.

Газет пашаш мыйым Алексей Михайлович Юзыкайн ушен. Марий кугыжаныш университетыште кумшо курсышто тунеммем годым ответственный секретарьын пашажым шукташ полшаш ўжын. Кок ий почела кенезжым да шыжым мый ты сомылым шуктенам. А университет деч вара «Марий коммуна» (кызыт

«Ямде лий» негыз лийын

«Марий Эл») газетыште пашам ответственный секретарьын алмаштышыжлан ыштыме гычак тўналынам.

Ятыр сенымашке шумаште, кушкын толмаште мый «Ямде лий» газетын поро надыржым ом мондо.

Йоча газет да тудын ончычсо редакторжо А.М.Юзыкайн ден литпашаенже В.Б.Исенеков нерген поро шарнымаш эрелан чонеш кодеш. Адакше Алексей Михайлович дене ме ик кечын, 20 апрельыште, шочынна. Лўмгечынат ик жапыштак толеш: тудын шочмыжлан тений 75 ий темеш гын, мылам - 60 ий. Газет да сылнымут пашаш ушнымемлан - 50 ий, вет лач тынар ий ончыч «Ямде лий» газет дене кылым кучаш тўналынам.



Пагалыме Юрий Валентинович!

Юбилейда дене шокшын саламлена. Пенгыде тазалыкым, кужу ўмырым, пашаште сенымашым тыланена. Сылнымут пашадат тўвыргў лектышан лийже.

«Ямде лий» газетын пашаенже да лудшыжо-влак.

Юрий ИСАКОВ, Марий Элын сулло журналистше.

Ача гай туныктышо



Э.Юзыкайнын фотожо.

Валентин Исенеков кугырак йолташна, туныктышына лийыныт. Мыйын тыршынем «Ямде лий» газет редакций кўкшын аклен: 1982 ийыште Шем теныз серышке, «Артек» пионер лагерышке, ик тылзылан каяш путўвкым кучыктен. Тунам республик мучко эн сай лу юнкорым ойырен налын, канаш да ты жапыштак тунемаш колтышт. Мемнам Симферополь марте А.М.Юзыкайн Эрик эргыж дене ужатен нангайыш. Мыланем поездыште тўрыштў кўшыл вер логалын. Йўдым леведышем кечалт кержалтын улмаш. Алексей Михайлович, ача семын леведышем тўрлышыжла, мыйым вўчкалтен, «Молодец, Ленук» манын. Ты

шомакше, чаманен налмыже изи чонемым тунар чот ырыктен, тачат шокшыжым шижам.

«Ямде лий» газет ден кылым кучымем пеш пайдале лийын. Возаш кумыландыме деч посна илышыште чолга лияш, неле деч лўдаш огыл, кеч-куштат, кеч-кунамат сай йўным ужын мошташ, чын корно дене ошкылаш туныктеныт. Шарнем, «Артекыш» миен толмо деч вара мыйын илышем эшеат онгайрак лие. Тушеч тунем толмо у мурым, модыш-влакым Усола Корамас школыштем веле огыл, районьштат кумылын туныктенам. Тидыже ончыкыжым туныктышо пашаштемат чот кўлешан лийын.

Елена НЕСТЕРЕНКО. Волжский район. Снимкыште: А.М.Юзыкайн - Эрик эргыж дене пырля.

Келшымаш

Эх, окнашке ончалам да
 Түгө лектын мый куржам.
 Олыкышто, вүд воктене
 Йолташ-шамычем ужам.
 Вашлиям эн ончыч лывым,
 Вара күшнө сур турий(ы)м.
 Муралта моткочак ямлын,
 Мотор кечым чот моктен.
 Йүкланат мүкш-влак кашакын,
 Пуйто ваш-ваш мутланат.
 Омарташте ик еш семын,
 Пеш тыршен, пашам ыштат.
 Кече мучко ял воктене
 Рвезе тукым юарла.
 Мүкш еш семын, келшен-модын,
 Каныш жагым эртарам.
Виктория МАМАЕВА.
 Кужэнгер, Йүледүр.



Катя РЫБАКОВА.
 2-шо номеран
 Шернур школ.

Айдемын мастарлыкше – усталык.
В.А.Жуковский,
 руш поэт.

– Ачай, теле нерген сочи-
 ненийым возем. Но ом пале,
 кузе сераш: «зимой в магазине про-
 даются много пальтов» але «много
 пальтей»? – йодеш Мичу.
 – Лучо кенеж нерген возо, –
 вашешта ача.



Ожно кажне
 мариЙ үдыр түрым түрлен
 моштен. Коло икымше куры-
 мыштат ме кугезе кова-влакнан
 пашаштым монден огынал. Мемнан
 ешыште чыланат түрлаш кумылан
 улына. Ковам, авам, акам-влакын
 могай гына пашашт уке! Ты кидпаша
 деке мый изи классыште шүмангынам.
 Урым, пырысым, пийым түрленам.
 Түрлымö годым нойымо пыта, ласкан
 чучеш. Кидпаша чоным лыпландара.
Юлия АНИСИМОВА, 7-ше класс.
 Морко, Коркатово.

Шекланыза!

- ✗ Розетке гыч вилкым лукмо годым электровоштыр гыч ида шупш.
- ✗ Электрический прибор-влакын воштырыштым ночно кид дене ида кучо.
- ✗ Шаланыше электроприборым ида кучылт.
- ✗ Электровоштыр эртыман пöртвуйыш ида күзö.



Могай электроприбо-
 рым розеткыш
 чүктымö?



Түрым түрлем

Рефератлан але докладлан текстым компьютерыште погет? Тыланет куштылгырак лийже манын, икмыняр кангашым темлена:
CTRL + A = Выделить весь документ;
CTRL + C = Копировать;
CTRL + V = Вставить;
CTRL + Z = Отмена последнего действия;
CTRL + B = Полу жирный шрифт;
CTRL + N = Новый документ;
CTRL + O = Открыть документ;
CTRL + S = Сохранить документ;
CTRL + P = Печать;
CTRL + W = Закрыть документ.



Мотыгай порылык?

Порылык – тиде шонго-влакым пагалымыш.
 Нунын воктеч эртен кайыме годым саламлалтман.
 Мыят ялыште кугурак-влак дене эре саламлалтам
 да шольымат туныктем.

Настя МИХАЙЛОВА.
 Морко, Шүргыял.



Сүретым чиялте.

«Ончалза, могай мастар!»

Йодыш-влаклан
вашмутым
кычал.

1. «Атаманыч» повесть але ойлы-маш?
2. Произведенийын тўналтыш вариантше кузе маналтын?
3. Кушто савыкталтын?
4. Автор могай шоялўм дене савыкталтын?



КОНКУРС!

Ануш АЛЕКСЕЕВА.

3-шо номеран
Морко йочасад.



Диана СЕМЕНОВАН сўретше.
Марий Турек, Арбор.

Синк-вейн

Шошо
Сай, шокшо.
Каныкта, куандара, модыкта.
Пеш кужун вучымо унана.
Жап.
Алина ПОЛУШИНА.
Советский, Орша.

Мишан уло **little kitten**,
Пешак **funny and** кожмак.
It lucky, very поро,
Чылан тудым йöратат.

Чоя **eyes** ден ончалеш,
Long tail ден лупшалеш,
Four чапаж ден тöршталта,
Many children куандара.
Эмилия
АЛЕКСАНДРОВА.
Морко, Коркатово.

Йоча-влак,
Эмилия могай йылмым
сайын пала? Мут-влакым
кусарыза.


К
Р
О
С
С
В
О
Р
Д

Марлашке кусарыза.

1. Лечить.
2. Мёд.
3. Вышивальщица.
4. Суконная о н у ч а .
5. Рыбак.
6. Семья.



Алсу
ГАЛИМОВА.
Марий Турек,
Лебедево.



Лабиринтм арттыза



10 ойыртемым му.



Индекс: Марий Элыште,
Пошкырт ден Татарстан
кундемлаште - П4696.
Тираж 1000 экз. Заказ 747.
Формат – А-4-8.
Директор-тўн редактор олмеш
Л.Н.ГРИГОРЬЕВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lII.pro,
Тел. 8(8362) 45-25-49(факс);
45-22-82.

УЧРЕДИТЕЛЬ-ВЛАК: Марий Эл
Республикысе культур, печать да
калык-влакын паша шотышто
министерстве, «Ямде лий» газет»
кугыжаныш унитарный казна
предприятий.

Газетым редакцийште погымо
да верстатлыме, «СТРИНГ» ИПФ
ООО-што ямде оригинал-макет гыч савык-
тыме. Типографийн адресше: 424006,
Йошкар-Ола, Строитель урем, 95.

Газетым Массовый коммуникаций
сферыште да культур наследийым ара-
лымаште законодательством шуктен шо-
гымым эскерыше Федеральнй службн
Приволжский федеральный округысо у-
правленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

Газетым Печать да массовый
коммуникаций шотышто
Федерал агентствын окса
полшыж дене лукмо.

0+

Соцсетьюсе адрес-влак:
ok.ru/yamdelii
vk.com/yamde_lII

Авторын да редакцийн шо-
нымашыш тўрлö лийын кер-
тыт. Серыш-влак мöнгеш огыт
колталт.

Ак – кутырен келшыме
почеш.

Редакцийн да издателын
адресше: 424006, Йошкар-Ола,
СССР Вооружённый Вийын
70-ше идалыкше урем, 20.